

տանի եւ Ատրպատականի վերայ, որ պատերազմեցաւ Բաբելի հետ:

222 թ.¹ Օշին՝ իմանալով, որ Բաբել իւրայիններով փախել է (Հայաստան), տեղեկացրեց Հայոց իշխաններին եւ մեծամեծներին, թէ Բաբել փախտեամբ եկել է Հայաստանի գաւառներից մէկը, նոցա անմիջապէս կից, եւ հրամայեց նոցանից ամեն մէկին հսկել իւր գաւառի վերայ, չթողնել ոչ ոքի անցնել, այլ եկողին ձեռքակալել եւ նորան տեղեկացնել այդ բանի մասին: Բաբել մտաւ Հայոց լեռները, առանց ծանօթ լինելու տեղի հետ, մինչ բոլոր հայ իշխանները հսկում էին իրանց գաւառների ճանապարհների վերայ՝ եթէ մէկը անցնելու լինի, բռնեն նորան: Սահլ ի. Սմբատ որ լեռներումն էր, (լուր առնելով Բաբելի թագստեան տեղի մասին), շտապեց իւր զօրագնդով նորա մօտ եւ ասաց նորան՝ «Ե՛կ ինձ հետ իմ ամրոցը, որ քեզ ապաստան կը լինի, իսկ ես՝ քո ծառան. մնացիր այնտեղ քո ուղեկիցների հետ, ապա կ'մտածես քո անելիքը»: Բաբել համաձայնեցաւ այն պայմանով, որ նա իւր եղբօրը ուղարկէ ի. Ստեփաննոսի ամրոցը, իսկ ինքն գնաց ի. Սմբատի հետ նորա ամրոցը: Հետեւեալ առաւօտ Աբդուլլահ մտաւ ի. Ստեփաննոսի ամրոցը, իսկ Բաբել մնաց ի. Սմբատի մօտ: Աերջինս իմացրեց Օշինին, թէ Բաբել գտանուում է նորա գղեակում ողջանդամ. Օշին ուղարկեց Աբու Սայիդին եւ Բուզքարին ի. Սմբատի մօտ, տալով նոցա մի նամակ առ նա եւ հրամայելով նոցա, որ յանձնեն այդ նամակը ի. Սմբատին տեղացիներից մէկի հետ եւ չհակառակեն նորա խորհրդին, որ նա նոցա կը տայ: Նոքա կատարեցին նորա հրամանը:

¹ Այս ընդարձակ հաւաածը թարգմանում եմ քաղածօրէն, որչափ նա Հայոց պատմութեան հետ կապ ունի: